

# Sakspapir

| Saksbehandlar      | Arkiv              | ArkivsakID |
|--------------------|--------------------|------------|
| Øyvind H. Oddekalv | FA - B36, TI - &29 | 17/711     |

| Saksnr  | Utvalg        | Type | Dato       |
|---------|---------------|------|------------|
| 35/2017 | Kommunestyret | PS   | 29.03.2017 |

## Interpellasjon - Mobbing i skulen

### Saksopplysningar:

Interpellasjon frå Meland Høgre til møte i Meland kommunestyre 29.03.2017:

Mobbinga i Meland-skulen må takast på alvor, tiltak **må** setjast inn

**Elevundersøkinga viser at Meland har eit stort og alvorleg problem med mobbing i skulen. Dagbladet presenterte nylig ei oversikt over mobbing i alle kommunar i landet. Her kjem det fram at Meland er blant verstingkommunane i Hordaland. Berre to kommunar i Hordaland har eit større mobbeproblem i skulen enn Meland.**

Elevundersøkinga viser at heile 11 prosent av elevane i Meland-skulen opplyser at dei opplever mobbing digitalt, frå medelevar og/eller vaksne på skulen to til tre gangar i månaden eller oftare. 9 prosent av elevane i Meland-skulen fortel om mobbing frå medelevar på skulen dei siste månadane. Det må også nemnast at 2 prosent av elevane i Meland opplyser at dei har blitt mobba av vaksne på skulen dei siste månadane.

Dette er nedslåande og heilt uakseptable tall. Bak kvart tall er det einskildelevar som opplever frykt og utryggleik for å gå på skulen. Det er eit overordna mål er at ingen barn skal mobbast. Vi kan rett og slett ikkje ha eit anna mål enn at alle barn skal vere trygge på skulen – alltid. Meland Høgre meiner dette er noko alle som er opptatt av skulen må jobba for.

Meland Høgre har i ei tid vore uroa over signal vi har fått om mobbing på einskildskular. Dette har vi også tatt opp i møte med rådmann og ordførar 04.02.2016. No er det dokumentert at vi i Meland står ovanfor eit større og langt meir alvorleg mobbeproblem i skulen enn kva vi tidlegare har vore kjent med.

Opplæringslova krev at skular skal arbeide systematisk for å fremme helse, miljø og tryggleik for elevene. Hanne Melander ved Fylkesmannen i Hordaland si opplæringsavdeling seier til Dagbladet det handlar mykje om haldningar. Bortforklaringar duger rett og slett ikkje, påpeikar ho. Eit godt skulemiljø er avhengig av haldningar og vilje i det vaksne personalet til korleis ein vil ha det og kva som må leggjast vekt på for å hindra mobbing og utestenging av elevar.

Meland Høgre har ei klår og tydeleg melding til kommunestyret som er skuleeigar; Mobbinga i Meland-skulen må takast på alvor og tiltak må setjast inn.

Difor vil Meland Høgre fremja følgjande framlegg til vedtak:

*Meland kommunestyre er svært uroa over dei alvorlege funna om mobbing i Meland-skulen som kjem fram i Elevundersøkinga. Rådmannen blir beden leggje fram sak for Utval for levekår og kommunestyret med konkrete framlegg til tiltak for å hindra mobbing i skulen og at alle barn skal vere trygge på skulen.*

*Kommunestyret må få saka til handsaming seinast i møtet 14.06. 2017.*

Frekhaug 22.03.2017

Med helsing Meland Høgre

Thomas H. Wallem      Nils Marton Aadland

Kommunestyrerepresentant/medlem ULK      Gruppeleiar Meland Høgre

**Framlegg til vedtak:**

**Kommunestyret - 35/2017**

**KS - behandling:**

Gjeldande interpellasjon frå Meland Høgre

Eg ønskjer å ta ordet, sjølv om det ikkje var noko direkte spørsmål i interpellasjonen.

Elevundersøkelsen viser at Meland har utfordringar når det gjeld mobbing. Eg var medlem i ULK i førre periode og meiner at det blir gjort mykje godt arbeid rundt på skulane når det gjeld elevane sitt skulemiljø, men tala som vart presentert i siste Elevundersøkelsen viser at vi må ta dette på største alvor.

Som vi har fått presentert her i dag, så er det starta opp eit godt arbeid, dette må vi byggje vidare på, men det er heilt klart at det må ein større innsats til. Eg vil støtte forslaget om at vi må sjå på fleire tiltak. Til hausten kjem det og ei skjerping i opplæringslova som stiller endå strengare krav til kommunen, skulen og til rektor og dei vaksne på skulen.

Det er vi som sit her i kveld, kommunestyret, som er øvste ansvarlege for at den einskilde elev i

Melandskulen har eit godt og helsefremjande skulemiljø. Dette ansvaret må vi ta på alvor. Meland er no med i eit skuleutviklingsprosjekt, Den gode skule- og barnehageeigar, der både politikarar, rektorar, administrasjon og tillitsvalte deltar. I dette KS-programmet blir fokuset m.a. sett på styringsdialogen mellom administrasjonen og politikarane. Og når vi vart kjende med resultata frå Elevundersøkelsen, var ordførar i kontakt med leiar i ULK, om kva vi politikarar kan gjere for at elevane i Melandskulen kan vere trygge og ha eit godt skulemiljø.

Derfor vil eg (AP) fremje eit tillegg til vedtak som i større grad ansvarleggjer oss politikarar i dette arbeidet.

*På ULK-møtet 30. mai skal politikarar og administrasjonen/rektorar drøfte ytterlegare tiltak for å hindre mobbing i skulen og at alle barn skal vere trygge på skulen (workshop).*

Dette trur eg vil hjelpe til at vi får ein felles oppfatning av og politisk eigarskap til problemet, og vil ansvarleggjere både skulane og politikarane i dette arbeidet. Eg ønskjer sjølv å delta på dette ULK-møtet.

Til slutt vil eg igjen seie at eg er einig med interpellanten i at vi må ta desse tala og signala på alvor, og saman må vi snu kvar stein vi kan for å trygge barna i Melandskulen.

Øyvind H Oddekalv  
ordførar

**Tilleggsframlegg frå Øyvind H. Oddekalv, AP:**

*På ULK-møtet 30. mai skal politikarar og administrasjonen/rektorar drøfte ytterlegare tiltak for å hindre mobbing i skulen og at alle barn skal vere trygge på skulen (workshop).*

**Avrøysting:**

**Framlegg til vedtak frå Meland Høgre vart samrøystes vedteke.**

**Tilleggsframlegg frå Øyvind H. Oddekalv vart samrøystes vedteke.**

**KS - vedtak:**

Meland kommunestyre er svært uroa over dei alvorlege funna om mobbing i Meland-skulen som kjem fram i Elevundersøkinga. Rådmannen blir beden leggje fram sak for Utval for levekår og kommunestyret med konkrete framlegg til tiltak for å hindra mobbing i skulen og at alle barn skal vere trygge på skulen.

På ULK-møtet 30. mai skal politikarar og administrasjonen/rektorar drøfte ytterlegare tiltak for å hindre mobbing i skulen og at alle barn skal vere trygge på skulen (workshop).

Kommunestyret må få saka til handsaming seinast i møtet 14.06. 2017.

